

REFERAT MIA - Meeqqanut Ilaqutariinnullu Ataatsimiititaq d. 02-02-2018

Mødedato Fredag d. 02. februar 2018 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Ineriartortitsinissamut pilersaarutip killiffia, ukiut sisamararterutaanoortoq.....	7
Meeqqanut Ilaqutariinnullu Ingerlatsivimmi oqartussaaffeqarfiup suliatigut aaqqissuussaanera nuta:	10
Ataatsimiititap angalaneranit nalunaarusiaq.....	13
Aalajangiiffisassat.....	16
Paamiuni ulloq unnuarlu angerlarsimaffimmik pilersitsinissamik siunnersuut.....	17
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu i	20
Kommuneqarfik Sermersuumi Isumaginnittoqarfik aqutigalugu inissamik innersuussisarneq pillug	21
Taasariaqartut allat.....	25
Oqaluuserisassat matoqqasut.....	26
Lukket.....	27
Imaqarniliap akuerineqarnera.....	28

Punkt 0: Saqqaa

Ilaasortat
Uju Petersen (IA), siulittaasoq
Rasmine Geisler (IA)
Inge Olsvig Brandt (IA)
Knud Mathiassen (IA)
Ane Egede Mathæussen (S)

Beslutning

Punkt 1: Oqaluserisassat akuerineqarneri

Beslutning

Oqaluserisassat akuerineqarput.

Punkt 2: Nalunaarutit

2A. Siulittaasumit nalunaarutit **2B. Ingerlatsivimmit nalunaarutit**

Beslutning

2A. Siulittaasumit nalunaarutit

- Ataatsimiititaliami siulittaasup ingerlatsivimmi pisortap tallimangornikkut ullup qeqqasioqatigiittarneq ingerlappaa.
- Ataatsimiititap ingerlatsiviullu ullaakkorsioqatigiittarnissaat kissaatigineqarsimammat aallartisarneqarpoq, siullermik ullaakkorsioqatigiittoqarluni tallimangorneq 2. februar. Ullaakkorsioqatigiinnerni siunertarineqarpoq sulisut ataatsimiititamilu ilaasortat imminnut attaveqatigiinnissaat

2B. Ingerlatsivimmit nalunaarutit

- Ataatsimiititap angalanissaa ingerlatsiviup piareersarpaa. Angalanissaq pissaaq februarip naalernerani imaluunniit martsip aallartinnerani. Ataatsimiititap Tromsømut Københavnimullu paasisassarsiornissaat pilersaarutaavoq.

Punkt 3: Ilisimatitsissutit

Punkt 03A: Ineriartortitsinissamut pilersaarutip killiffia, ukiut sisamararterutaanoortoq

Beslutning

Ilisimatitsissut tusaatissatut tiguneqarpoq.

Bilag

Bilag 1_KAL.docx

Ineriartortitsinissamut pilersaarutip killiffia

Killiffik pillugu nalunaarusiaq 1, kvartalit sisamaat 2017.

Ilisimatitsissut

J.nr.: 01.02.04

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Suliassamik eqikkaaneq

Meeqqanut Ilaqutariinnullu Ingerlatsivimmut ineriartortitsinissamut pilersaarutip 2017-2020-moortup killiffia pillugu aappassaanik nalunaarusiami piffissaq 1. oktobarimiit 31. decembarimut 2017 pineqarpoq. Pingaarutilinni tamani siuariarfiusimasut nalunaarusiami paasinarsivoq.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq.

Suliassamik saqqummiussineq

Ineriartortitsinissamik suliaqarneq piffissap ingerlanerani misissuineq pillugu nalunaarusiami innersuussutinik aallartitsisoqarlunilu naammassinnittoqarpoq kiisalu sulianik misissuisoqarluni. Misissuinermi sulianillu misissuinermi paasinarsisimavoq, Ingerlatsivimmi sulisut ataatsimut isigalugit naammattut, ulluinnarnili sulianut tunngasunik aqutseriaaseq pitsanngorsagassaasoq, soorlu aamma sulasunik atorluanaanerulernissaq isumalluarnartuusoq.

Aaqqiissutissatut siunnersuut – suliatigut naliliineq

Ineriartortitsinissamut pilersaarut pilersaarutit naapertorlugit ingerlalluarpoq, ingerlatsivimmi aqutsisut sulisullu tapersersuilluarnertik attalluarpaat.

Aningaasaqarnikkut sulisoqarnikkullu naliliinerit

Ineriartortitsinissamut pilersaarummik suliaqarneq kvartalit sisamaanni annertoorejussuusoq paasinarsisimavoq, taamaammallu aamma naatsorsuutigisamiit akisunerulluni. Tamanna ingerlatsivimmi unammilleruminaassinnaasut annertunerannik tunngaveqarpoq.

Misissuinermi sulianillu misissuinermi annertusaalluortoqarsinnaanera takuneqarsinnaavoq, taamaalillunilu oqartussaqaqfimmi ikiorsiinerimullu tunngasunik suliassaqaqfimmi innuttaasunut isumaqarnerusumik sullissisoqalersinnaalluni.

Inatsitigut tunngavissaq allakkallu tunngaviusumik uppernarsaatitalit

Ineruartititsisnermut pilersaarut 2017-2020.

Ingerlariaqqinnissaq

Ineriartortitsinissamut pilersaarut piffissami aggersumi ingerlateqqinneqassaaq, killiffillu pillugu nalunaarusiap tullia ataatsimiititap maajimi 2018-imi ataatsimiinnissaani saqqummiunneqassalluni.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaateqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatit

Soqanngilaq

Ilangussaq

1. Killiffik pillugu nalunaarusiaq 1, kvartalit sisamaat 2017.

Punkt 03B: Meeqqanut Ilaqutariinnullu Ingerlatsivimmi oqartussaaffeqarfiup suliatigut aaqqissuussanera nutaaq

Beslutning

Ilisimatitsissut tusaatissatut tiguneqarpoq.

Bilag

Notat-Direktion_19348.docx

Meeqqanut Ilaqutariinnullu Ingerlatsivimmi oqartussaaffeqarfiup suliatigut aaqqissuussaanera nutaaq

Ilisimatitsissut

J.nr.: 03.00.03

Meeqqanut Ilaqutariinnullu Ingerlatsivik - pisortaq Martha Lund Olsen, MLOL

Suliassamik eqikkaaneq

2017-2020 ineriartortitsinissamut pilersaarummut atatillugu ineriartortinneqarlunilu meeqqanut ilaqutariinnuullu oqartussaaffeqarfiup suliassaqarfinnik aaqqissuussaanera nutaaq akuersissutigineqarpoq. Suliatigut aaqqissuussineq nutaaq ingerlatsivimmi oqartussaassuseqarnikkut sullissinermi suliniuteqarneq annertuumik pitsanngorsaavigissavaa.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititumut inassuteqaatigaa:

- ilisimatitsissut tusaatissatut tiguneqassasoq.

Suliassamik saqqummiussineq

2017-2020 Ineriartortitsinissamut pilersaarut Meeqqanut Ilaqutariinnullu Ingerlatsiviup aggusti 2017-imili annertuumik suliarat. Suliarlu ima siuariarsimatigaaq, oqartussaaffeqarfimmik aaqqissuussineq nutaaq ulloq 18/12 2017 pisortaqatigiit akuersissutigimmassuk.

Oqartussaaffeqarfimmik aaqqissuussineq nutaaq qaammatini arlalinni suliaq peqqissaartumik peqataaffiusumillu tunuliaqutaqartumik suliarineqarpoq.

Aaqqiissutissatut siunnersuut – suliatigut naliliineq

Aaqqissuusaanerup nutaap meeqqat pitsaanerpaamik iluaqutserniarlugit meeqqanut sullissinerit piffissaalluurtumik eqqortumillu ingerlalnissaat qulakkiissavaa. Tamanna maannakkornit suliamik qaffasissumik immikkut ilisimasaqarnermik oqartussaataaernerik immikkoortumik allanik ilaartugaanngitsumik atuutilersinnerisigut anguneqarsinnaavoq. Aammattaaq kommunimi inissisimaffit assigiinngitsut akornanni suleqatigiinneq annertunerusoq siunissami eqqunneqassaaq soorlu sullissisut ataasiakkaat ulluinnarni misigiumaaraat maannakkumiillu suliatigut aqutsineq annertunerusoq.

Siunissami immikkoortortaqaarfiit marlunngussapput tassa Innersuussisartoqatigiit aamma Oqartussaqaarfik, taakkulu immikkoortortat marluk kommunimiissapput.

Aningaasaqarnikkut sulisoqarnikkullu naliliinerit

Piffissaq tamakkerlugu katillugit pingasunik atorfinitsitsinissamut amerlisaasoqartariaqarpoq taakkunanga ataaseq, Paamiuni tallimat, Ittoqqortoormiini 0,5 Nuummilu ataaseq.

Inatsisitigut tunngavissaq allakkallu tunngaviusumik uppersaatitallit

Ineriartortitsinissamut pilersaarut 2017-2020

Ingerlariaqqinnissaq

Ilassutitut aningaasaliiiffigineqarnissamut piaartumik qinnuteqaateqartoqassaaq (namminerisamik kontut akornanni nuussineq).

Pilersaarut malillugu aaqqissuussineq apriliip ulluisa qulingiluaanni 2018 atuutilissaaq.

Aningaasaqarnermut Allatseqarfimmit oqaaseqaatit
Soqanngilaq

Innuttaasunik peqataatitsineq/attaveqaqatigiinneq
Soqanngilaq

Ingerlatsivinnit allaniit oqaaseqaatit
Soqanngilaq

Ilanngussat:

1. Pisortaqaqatigiinnut nassuiaat

Punkt 03C: Ataatsimiititap angalanerani nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Rejserapport-Paamiut-2017_19340.docx

Ataatsimiititap angalanerani nalunaarusiaq

Ilisimatitsissut

J.nr.: 00.10.00

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Suliassamik eqikkaaneq

Meeqqanut Ilaqutariinnullu Ataatsimiititaq 2017-imi novembarip naalernerani siullermeerluni angalavoq. Paamiunut angalasoqarpoq, siunertaalluni ilaasortat najukkami pissutsinik aammalu meeqqat, inuusuttut illaqutariillu periarfissaannik paasisaqarluarnissaat. Angalanermit nalunaarusiaq angalanermit pilersaarummik aammalu angalanerup nalaani ataatsimiinnerit ataasiakkaat eqikkaaffigineqarnerinik imaqarpoq.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ataatsimiititap angalanermit nalunaarusiaq ilisimatitsissutitut tigussagaa.

Suliassamik saqqummiussineq

Meeqqanut Ilaqutariinnullu Ataatsimiititaq 2017-imi novembarip naalernerani siullermeerluni angalavoq. Paamiunut angalasoqarpoq, siunertaalluni ilaasortat najukkami pissutsinik aammalu meeqqat, inuusuttut illaqutariillu periarfissaannik paasisaqarluarnissaat. Ulluni marlunni tikeraarnermi (27. aamma 28. november) ataatsimiinnerit/suliffeqarfinnullu pulaarnerit ingerlanneqarput, kommunip suliffeqarfiutaanut, aammalu avataani suleqatigisartakkanut.

Suliffeqarfiit makku pulaarneqarput: Meeqqanut Ilaqutariinnullu Immikkoortortaq, Meeqqanut Ilaqutariinnullu Sullissivik, Majoriaq, atuarfik, fritidsklub, meeqquerivik, meeraaqquerivik, Politi, peqqinnissaqarfik aammalu ulloq unnuarlu angerlarsimaffik Palleq. Tamakkua saniatigut ataatsimiititami ataatsimiittoqarlunilu innuttaasunik ataatsimiititsisoqarpoq.

Aaqqiissutissatut siunnersuut – suliatigut naliliineq

Ataatsimiititap angalanerani maluginiarneqarpoq illoqarfimmi innuttaasut ingerlatsiviit oqartussaasullu tamarmik suleqatigiinneranni ataatsimut isigalugu ingerlalluarfiusoq. Suleqatigiilluartoqarneranut suliniut Paamiut Asasara peqputaaqataanerarlugu arlallit oqaatigaat. Ingerlatsiviup nammineq suliassaqarfiinut tunngatillugu oqaatigineqarpoq, sullissisunik atorfinitsitsisoqarnissaa naleqquttuussasoq, taakkulu meeqqanut ilaqutariinnullu tunngasuinnarnik suliaqassasut, tassami maannakkut sullissisut inersimasunut meeqqanullu tunngasunik suliaqarnerminni unammilligassarpassuaqartarmata.

Aningaasaqarnikkut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

Soqanngilaq

Ingerlariaqqinnissaq

Ataatsimiititap angalanerminni paasisatik ataatsimiititami suleriaqqinnissaminni atorluarsinnaavaat.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatit

Soqanngilaq

Ilanngussaq

Ataatsimiitap angalaneranit nalunaarusiaq

Punkt 4: Aalajangiiffigisassat

Punkt 04A: Paamiuni ulloq unnuarlu angerlarsimaffimmik pilersitsinissamik siunnersuut

Beslutning

Inassuteqaat itigartinneqarpoq, imannak oqaasertalerlugu:

- Ukiup affaa qaangiuppat misissuisoqaqqissasoq aalajangiunneqarpoq.

Paamiuni ulloq unnuarlu angerlarsimaffimmik pilersitsinissamik siunnersuut

Aalajangiiffissaqpillugu

J.nr.: 42.02.02

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Suliassamik eqikkaaneq

Kommunalbestyrelsimi ilaasortap Henrik Rachlevip juunimi 2017-imi Paamiuni ulloq unnuarlu meeqqanut inuusuttuaqqanullu angerlarsimaffiliortoqassasoq siunnersuutigaa. Siunnersuut missingersuutit siullermeerneqarneranni ilaatinneqarpoq, peerneqarlunili Meeqqanut Ilaqutariinnullu Ataatsimiititami eqqartoqqitassanngorlugu utertinneqarluni.

Ingerlatsiviup ataatsimiititamat inassuteqaatigaa siunnersuut itigartinneqassasoq, uku tunngavilersuutigalugit: Paamiuni sulisussarsiortarnermi pissutsit eqqarsaatigalugit ulloq unnuarlu angerlarsimaffimmi perorsaanermik ilinniarsimasumik atorfinitsitsinissaq ajornakusoortorujussuussasoq.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- Paamiuni ulloq unnuarlu angerlarsimaffimmik pilersitsinissaq ataatsimiititamat itigartinneqassasoq.

Suliassamik saqqummiussineq

2018-imut missingersuutit siullermeerneqarnissaannut periarfissat allattorsimaffiannik suliaqarnermut atatillugu ingerlatsiviup pissutsit uku misissorsimavai:

- Paamiuni ulloq unnuarlu angerlarsimaffimmik ingerlatsineq qanoq akeqassanganineqarpa?
- Paamiuni ulloq unnuarlu angerlarsimaffimmik pisariaqartitsineq qanoq annertutigiva?
- Paamiuni ulloq unnuarlu angerlarsimaffimmi perorsaasunik ilinniarsimasunik atorfinitsitsinnaanermik periarfissat qanoq nalilerneqarpat?

Aningaasartuutit

Taamaattumik ulloq unnuarlu angerlarsimaffimmik nutaamik meeqqanut inuusuttuaqqanullu qulit missaanik inissalimmik pilersitsinissaq aallaavigalugu ingerlatsivik naatsorsuusiortoq. Ulloq unnuarlu angerlarsimaffik taamatut angitigisoq ingerlatsinermut ukiumut 5.5. mio. koruuninik akeqassaaq. Nuummi meeqqanut ulloq unnuarlu angerlarsimaffik Tupaarnamik ingerlatsinermi misilittakkat tunngavigalugit naatsorsuusiortoqarpoq. Aningaasat taakku meeqqanut angerlarsimaffimmik ingerlatsinermut atatillugu aningaasartuutinut naammassinnaassasut nalilerneqarpoq, tassunga ilanngunneqarlutik, ulloq unnuarlu aamma sapaatip akunnerata naanerini sulisoqartitsineq, perorsaanermut katsorsaanermullu tunngasunik suliaqartarnek, pisiniarneq il.il.

Pisariaqartitsineq

Paamiuni maannakkut meeqqat 7-it 14-illu akornanni ukiullit 6-it Nuummi ulloq unnuarlu angerlarsimaffinni inissinneqaaqpput.

Maannakkorpiaq angajoqqaarsiat aqqaneq-marluupput, aammalu ilaqutariit akornanni aqqissuussamik angajoqqaarsiaasut pingasuullutik. Meeqqat arfineq-pingasut

angajoqqaarsiaqartinneqarput, taamaattumillu angajoqqaarsiat sinneruttut pinasuartumik paarsinnaasutut sillimtagineqarlutik. Ingerlatsiviup sukumiinerusumik nalilersunngilaa, meeqqat taakku arfinillit Nuummi paaqqinnittarfimmi maannakkut inissinneqarsimasut Paamiuni paaqqinnittarfimmi inissaqartinneqarsinnaanersut.

Perorsaasutut ilinniarsimasunik atorfinitsitsinissamut periarfissat

Perorsaasutut ilinniarsimasut nunarput tamakkerlugu, aamma Paamiuni, amigaatigineqarput. Kommune maannakkorpiaq atuarfeqarnerup ulluuneranilu ornittakkanut tunngasunik perorsaasutut atorfiit ilinniarsimasunik inuttassaqartinneqanngitsut quliupput. Taamatut assingusumik isumaginninnermut tunngasuni misilittagaqarpugut, tassa ilaqutariinnut kiffartuussiviit qimarnguillu perorsaasutut ilinniarsimasunik inuttaliinissaq ukiuni arlalinngortuni ajornakusoortarsimavoq.

Inerniliineq

Maannakkut meeqqat arfinillit angerlarsimaffiup avataanut inissinneqarsimasut aningaasaliissutit taakku iluanni aammalu pisariaqartitat perorsaanikkullu anguniakkat assigiit iluanni atugassaritaasut atorlugit ulloq unnuarlu angerlarsimaffimmik pilersitsisoqassappat sullissinerup qaffannissaa, perorsaasutullu ilinniarsimasunik atorfinitsitsinissap nalorninarnera naatsorsuutigineqarsinnaavoq.

Misilittakkalli takutippaat, ukiutigut nikingasorujussuarnik najugaqarfittut ulloq unnuarlu angerlarsimaffimmik pilersitsinissaq ajornakusoortorujussuusoq, meeqqammi immikkut tamarmik pisariaqartitaannik isumaginninneq kiisalu perorsaanermik anguniagaqarneq assigiinngitsorujussuusinnaavoq.

Aammattaq suliatigut pitsaassusissaq atorfinitsitsiniartarnerullu ajornakusoorluinnartarnera eqqarsaatigalugit ulloq unnuarlu angerlarsimaffimmik pilersitsinermi pitsaasumik sunnuteqarnissamik kissaatigineqartumik kinguneqassanersoq nalunarpoq. Atorfiit pilersinneqartussat perorsaasutut ilinniarsimasunik inuttassaqartinneqarnissaat piviusorsiornerunngilaq.

Taamaammat ingerlatsiviup innersuussutigaa Paamiuni ulloq unnuarlu angerlarsimaffimmik nutaamik pilersitsinissaq maannakkut pissanngitsoq.

Akerlianilli sulisinnaasutut pioreersut angajoqqaarsiaasartut piginnaasaannik qaffasaanissamut atorneqartariaqarput, soorlu tamanna Meeqqat tapersorsorneqarnissaannut Inatsisartut inatsisaanni nr. 20, 26. juni-meersumi piumasaqaataasoq. Inatsit taanna naapertorlugu, angajoqqaarsiaasut angajoqqaarsiaasinnaanermut akuersissummik tunisinermut atatillugu tunngaviusumik pikkorissarneq ullunik sisamanik sivirusseqartoq ingerlatissavaat. Tamanna pereerpat angajoqqaarsiat ukiut tamaasa pikkorissarteqqinneqartassapput, tamatumalu saniatigut angajoqqaarsiat ataavartumik supervisionertinnissamut (imaajartinnissamut) neqeroorfigineqartassapput.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilanngussat

Soqanngilaq

**Punkt 5: Suliat Aningaasaqarnermut Inuussutissaqarnermullu
Ataatsimiititamut Kommunalbestyrelsimullu ingerlateqqitassat**

Punkt 05A: Kommuneqarfik Sermersuumi Isumaginnittoqarfik aqqutigalugu inissamik innersuussisarneq pillugu ileqqoreqqusaq

Beslutning

Inassuteqaatit akuerineqarput.

Bilag

BVU vedtægt 2018-KAL.pdf

Kommuneqarfik Sermersuumi Isumaginnittoqarfik aqputigalugu inissamik innersuussisarneq pillugu ileqqoreqqusaq

Aalajangiiffigisassaq

J. nr. 31.00.00/2

Isumaginninnermut Suliffeqarnermullu Ingerlatsivik – pisortaagallartoq Kista Lynge Høegh / KILH

Suliassamik eqikkaaneq

Isumaginninnermut Suliffeqarnermullu Ingerlatsiviup aamma Meeqqanut Ilaqutariinnullu Ingerlatsiviup Kommuneqarfik Sermersuumi Isumaginnittoqarfik aqputigalugu inissamik innersuussisarneq pillugu ileqqoreqqusaat aalajangiiffigisassanngortippaat. Sumiiffiimmi siornatigut Kommuneqarfik Sermersuumut atuuttumik ileqqoreqqusaqanngilaq, tamannalu pisariaqartinneqarmat aalajangiiffigisassiinnermut tunngaviuvoq.

Isumaginninnerup iluani inissianik tunniussisarneq najukkami inissamik innersuussisartoqatigiinnit isumagineqartarpoq (IIA) Ittoqqortoormiini, Tasiilami, Paamiuni Nuummilu. (BVU) i Ittoqqortoormiit, Tasiilaq, Paamiut og Nuuk.

Suliaq Isumaginninnermut Suliffeqarfimmullu Ataatsimiititap 16. januar 2018 ataatsimiinnerani akuerineqarpoq.

Inassuteqaat

Isumaginninnermut Suliffeqarnermullu Ataatsimiititap Meeqqanut Ilaqutariinnullu Ataatsimiititamut inassuteqaatigaa:

- Meeqqanut Ilaqutariinnullu Ataatsimiititap ileqqoreqqusaq akuerissagaa, aammalu
- Suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimullu inaarutaasumik akuerisassanngorlugu ingerlateqqinneqassasoq.

Suliassamik saqqummiussineq

Kommuneqarfik Sermersuumi Isumaginnittoqarfimmiit inissianik innersuussisarnermi ileqqoreqqusamik nutaamik pisariaqartitsisoqarpoq. Ileqqoreqqusami Isumaginnittoqarfik aqputigalugu inissiamik qinnuteqartunut, inuunermi atugarisaminnik peqquteqarlutik inissiamik tunineqarnissamik tulluartut pillugit tunniussisarnermi periutsit eqqartorneqarput. Inuttut atukkat ilaatigut eqqartorneqarsinnaasut angajoqqaatut oqartussaatinneqartoq meeqqanik inuusuttunillu sanngiitsunik tigummiaraqpat, tassani angerlarsimaffiup avataani inissinneqarsimasut; inuusuttut paaqqinnittarfiup avataani inooqqilernissaminnut sungiusartut suliniuteqareernermi malitseqartinneqartut; inuit timikkut tarnikkulluunniit nappaatillit piginnaasaalluunniit killeqartut; inuit iliuusissamik piginnaanngorsaqqinnissamullu pilersaarusiorfigineqarsimasut tassanilu inuit atonerluisuunermiit katsorsartittut pineqaatissinneqarsimasulluunniit inissiisarfiup avataani inooqqilernissamut sungiusartut; utoqqalinersiaqartut; inuit katissimasaat/inooqataaluunniit toqukkut qimagunneranni inissaaruttut.

Aaqqiissutissatut siunnersuut – suliatigut naliliineq

Ileqqoreqqusap akuerineqarneratigut Kommuneqarfik Sermersuumi Isumaginnittoqarfimmiit inissianik innersuussisarnermi aqutsinikkut malitassatut sinaakkutassanik pilersitsisoqassaaq. Ileqqoreqqusaq kommunimi innuttaasunut sanngiitsunut sunniuteqartussaavoq, pingaaruteqarporlu tassani suleriutsip erseqqarissumik allassimanissaa innuttaasumummi pitsaasumik kinguneqarniassamat.

Immikkoortoq 1 ataatsimiititap ataqatigiissaarneranut suleqatigiinnissamullu isumaqatigiissummut tunngavoq. Illoqarfimmi illoqarfiilluunniit immikkoortuinut (illoqarfiit nunaqarfillit) Isumaginnittoqarfimmiit inissiamik innersuunneqartuni utaqqisuniittuutillit ataatsimiititaliaqassapput.

Ataatsimiititat immikkoortortani aqutsisut sinnerlugit ingerlatsivinniluunniit pineqartuni suliamut attuumassuteqartunik sulialinnik siammassissuseqartumik katiterneqassaaq.

Immikkoortoq 2 ataatsimiititat suliassaat pisussaaffiilu, soorlu utaqqisunik allattorsimaffimmik suliaqarneq malinnaaffiginissaanillu imaqarpoq.

Immikkoortoq 3 Isumaginnittoqarfimmiit inissiamik innersuussinermi qinnuteqartunillu utaqqisunut allattorsimaffimmi pingaarnersiuiinissap tunngaviinik imaqarpoq.

Immikkoortoq 4 aalajangiunneqartumut naammagittaalliuuteqarnissamut periarfissamut tunngavoq. Suliaq annerusumik meeqqamut tunngassuteqartumik paasissutissiippat, naggataatigut Meeqqanut Ilaqutariinnullu Ataatsimiititamut saqqummiunneqarsinnaavoq, suliarlu qitiusumik inersimasumut tunngassuteqartumik paasissutissiippat naggataatigut Isumaginninnermut Sulisoqarnermullu Ataatsimiititamut saqqummiunneqarsinnaavoq. Isumaginnittoqarfik aqutigalugu inissianut aaliangiinerit, Isumaginninnermi malittarisassat naapertorlugit, aalajangiinerunngimmata, Isumaginninnermi Naammagittaalliuuteqartarfimmut naammagittaalliuutigineqarnissaanut aallaaviusinnaanngilaq.

Immikkoortoq 5 ileqqoreqqusamik atulersitsinissamut piffissaritinneqartumut tunngavoq.

Ileqqoreqqusaq suliamut ilanngunneqarpoq.

Aningaasaqarnikkut sulisoqarnikkullu naliliinerit

Ileqqoreqqusap atuutinneqalerneranit aningaasartuutaanavianngitsoq Ingerlatsiviup nalilerpaa.

Inatsisitigut tunngaviusut aamma allagartat uppersaaitut sinaakkusersuutaasut

Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

Kommunit ileqqoreqqusaannik atortussanngortitsinerit nalunaarutigineqartarnerallu pillugit ilitsersuut 9. februar 2017, Naalakkersuisuni siulittaasup naalakkersuisoqarfianit Inatsisilerinnermi immikkoortortami suliarineqartoq.

Ingerlariaqqinnissaq

Ileqqoreqqusaq Kommunalbestyrelsimit atuutsinneqartutut aalajangerneqarneranit qaammatip ataatsip kingorna atuutsilissaaq. Inatsit atuuttoq malillugu Kommune Isumaginnittoqarfimmiit inissiamik innersuussisarnermi ileqqoreqqusamik suliaqarsinnaatitaanngilaq. Kommunimiinnaq ileqqoreqqusamik atuutsisiniarneq Naalakkersuisunit akuerisassaanngitsoq, atortussanngortinneqartussaanngitsoq nalunaarutigisariaqanngitsorluunniit eqqartorneqarpoq. Ileqqoreqqusaq kommunip nittartagaatigut tamanut nalunaarutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Siornatigut aalajangerneq

Isumaginninnermut Suliffeqarnermullu Ataatsimititap 16. januar 2018-imi aalajangernera:

Inassuteqaatit akuerineqarput.

Innuttaasunik peqataatitsineq/Attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq

Ilanngussaq

1. Kommuneqarfik Sermersuumi Isumaginnittoqarfik aqutigalugu inissamik innersuussisarneq pillugu ileqqoreqqusamut siunnersuut.

Punkt 6: Taasariaqartut allat

Beslutning

Kommunalbestyrelsimi ataatsimiinnermi inunnut suliaq matoqqasut ataanni apeqquutigineqartoq naatsumik killisiorneqarpoq.

Punkt 7: Oqaluuserisassat matoqqasut

Punkt 07A: Lukket

Punkt 8: Imaqarniliap akuerineqarnera

Beslutning

Imaqarniliaq akuerinqarpoq nal. 16:50